



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1204. Usque Ad Annum 1230

Fleury, Claude

August. Vind. [u.a.], 1763

VD18 90118030

§. 62. Innocentii III. obitus.

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

Sæcul. XIII.
A. C. 1216.

necdum abjecit. Papa: Consentiente Concilio Barones Angliæ, omnesque eorum Fautores excommunicavi, qua sententia Ludovicus involutus videtur. Legati: Non ille Barones Angliæ tuetur, sed rem suam quærit, nec credit, Sanctitatem tuam vel Concilium quemquam, repugnante justitia, excommunicare voluisse, aut jus suum sibi adimere potuisse. Ita Ludovicus Princeps causam suam per Legatos Romæ defendebat, dum ipse provincias Angliæ, quæ meridiem & orientem spectant, sibi subiciebat.

§. LXII.

Innocentii III. obitus,

Martin. Pol. Cum Innocentius Papa nihil ardentius desideraret, quam rei Christianæ in Palæstina pæne prostratæ consulere, pacem inter Pisanos, Genuenses & Longobardos revocaturus, Roma egressus mense Junio Perusiam venit; ubi, acceptis literis, in quibus Principis Ludovici in Angliam navigatio nunciabatur, extremo dolore obrutus, orationem exorsus est, in illam Ezechielis Prophetæ verba: *Mucro! Mucro! evagina te ad occidendum, lima te ut interficias.* In eoque sermone Ludovicum, cum suo exer-

*Ric. S. Ger.
an. 1216.*

*Guil. Arm.
p. 89.*

Ezech. 21. 28

exercitu solemnī ritu excommunicavit. Sæcul. XIII. A.C. 1216.
 Tum, accersitis Notariis, complures censuras summi rigoris in Regem Philip-
 pum & Franciæ Regnum dictare cœpit. Sed in illo cogitationum tumultu a tertia-
 na laceffitur, eaque promte per medi-
 cam artem depulsa, in graviolem fe-
 brem incidit, acutis doloribus comitan-
 tibus, quibuscum per aliquot dies con-
 flictatus, & multum ciborum pro mo-
 re sumens, paralyfi, tumque lethargia
 corripitur. Obiit decima sexta Junii
 anno millesimo ducentesimo decimo sex-
 to, postquam in Cathedra Romana an-
 nis octodecim, mensibus sex, & diebus
 novem sedisset; in Ecclesia Cathedrali
 Perusiana sepultus. Præter Epistolas, Papæbr. conat.
 maximo numero, per annos, propemo-
 dum ut datæ fuerunt, divisas, ab Inno-
 centio Papa habemus complura Scripta,
 Sermones, Tractatus pios multaque alia,
 ex quibus aliqua necdum typis edita
 sunt. Quæ ex ejus Epistolis & Sermo-
 nibus retuli, ad cognoscendum ejus Sti-
 lum & Doctrinam sufficiunt.

Quibus moribus vixerit hic Papa, Rigord. p. 66
 etiam melius cognoscet Lector ex ipsius
 factis, quam ex variis judiciis Scripto-
 rum; quorum aliquis de Innocentio
 testatur, virum fuisse fortitudinis & sa-
 pientiæ

Sæcul. XIII.
A.C. 1216.

Guil. Arm.
p. 89.

Matth. Par.
an. 1213.
p. 206.
vit. ap. Sur.
16. *Jun. lib.*
2. c. 6.

pietatis eximia, qui maxima effecerit
& admiratione digna, cui denique illo
ævo nemo æqualis. Alius dicit, eum
in non nullis negotiis rigori nimio in-
hæsisse, ideoque ejus fatum subditis i-
psius magis lætitiæ quam luctus causam
extitisse. Mathæus Parisiensis de eolite-
teris mandavit; Joannem Regem An-
glia non ignorasse, quod hic Papa usque
adeo ambitionis & superbiæ vitiis labo-
raverit, ut nemo magis. Præterea In-
nocentium insatiabili cupiditate auri
flagrasse, nec ullum tam atrox esse cri-
men, quod spe acquirendæ pecuniæ pa-
traturus non fuisset (*). Sancta Lut-
gardis, Monialis Ordinis Cisterciensis in
Brabantia narrare audita est, quod sta-
tim post obitum Innocentius sibi con-
spicius factus esset, ingenti flamma cir-
cumsus, & interrogatus, cur tamen dire cru-
ciaretur, respondisset: *Tres ob causas*
ita torqueor, quæ etiam æternis suppli-
ciis me justissime addixissent, nisi per
intercessionem piissimæ Matris Dei, cui
Monasterium condidi, in extremis me
penituisset. Sed pænis atrocissimis usque
ad extremum Judicii diem purgabor.
Thomas Cantipratensis, qui hoc factum
refert,

(*) Hæc iterum Mathæo Parisio teste refe-
runtur.

refert, adjicit; quod Lutgarde revelan- Sæcul. XIII.
 te tres illas pœnarum causas non igno- A. C. 1216.
 raverit, sed pro tanti Pontificis reveren-
 tia manifestare noluerit. Quidquid ve-
 ro de ipsa Visione sentiendum sit, ex hac
 narratione cognoscimus, quod magnæ
 pietatis viri sibi persuasum habuerint, in
 Innocentio III. haud modica errata fuis-
 se deprehensa (*).

(*) Palatius in Innocentio III. ad ejus o-
 bitum ita refert pag. 728. Ejus obitum præ-
 lufit vultus Domini *Veronica* dictus. *Dum For-*
tunalis alea, inquit Parisius, *statum Regni An-*
glia talibus turbinibus exagitaret, Dominus
Papa Innocentius, quem vacillantis Ecclesie
cura sollicitabat, effigiem vultus Domini, quæ Ve-
ronica dicitur, ut moris est de Ecclesia S. Petri
versus Hospitale S. Spiritus reverenter cum
processione bajulat. Qua peracta, ipsa effigies
dam in locum suum asportaretur, se per se gy-
rabat ut verso staret ordine, frons scilicet infe-
rius, barba superius locaretur. Quod nimis
abhorrens Dominus Papa, credidit illud in tri-
se sibi præsagium evenisse. Ut plenius Deo
reconciliaretur, consilio fratrum in honorem i-
psius effigiei, quæ Veronica dicitur, quandam
Orationem composuit elegantem, cui adjecit
 quem-

Sæcul. XIII. A. C. 1216. quemdam Psalmum cum quibusdam versiculis
 & eadem dicentibus decem dierum concessit In-
 dulgentiam, ita ut quoties repetatur, toties de-
 centi tantundem Indulgentiæ concedatur. Tum
 iterum: Præclara de Innocentio Papa Viri Illu-
 lustres cecinere Elogia, inter quos Rigordus, de
 Gestis Philippi Francorum Regis, Innocentius
 Papa celebravit Romæ Concilium, Vir clarus
 ingenii, magnæ pietatis, & sapientiæ, cui nu-
 lus secundus tempore suo. Est & illud S. An-
 tonini 3. p. tit. 19. c. 1. post innumera opera
 egregia virtutum demum beato sine spere
 vit. &c.

